

摘藻堂四庫全書薈要

集部

欽定四庫全書薈要卷一萬四千一百三十

集部

小畜集卷五

宋 王禹偁 撰

古調詩

八絕詩

庶子泉

白龍泉

明月溪

清風亭

望日臺

歸雲洞

陽水篆

垂藤蓋

東門送郎吏行寄承旨宋侍郎

送林介

北樓感事

送劉職方

感興

老態

官醞

射弩

黑裘

聞鶡

甘菊冷淘

霖雨中偶書所見

唱山歌

訓楊遂

和楊遂賀雨

八絕詩

有序

唐大厯中隴西李幼卿以宮相領滁州刺史始游琅邪  
山立廊應寺故泉有庶子之號李陽冰篆其銘存諸石  
壁白龍泉又次焉由是亭臺溪洞合垂藤蓋謂之八絕  
云皇宋至道元年予自翰林學士出官滁上因作古詩

八章刻石于寺寺名開化者我朝改之也

庶子泉

物趣固天造物景不自勝泉乎未遇人石罅徒流迸宮  
相政多暇行樂躡巖磴發蒙漲為溪幽致茲焉盛唐賢  
大厯後峭壁刻名姓我來一何暮今秋始乘興山勢環  
有缺山門壺引柄乍挹清泚姿頗愜幽閒性味將春茗  
宜光與曉嵐暝架竹落僧厨遠聲入清磬何當宿禪室  
歌枕終夜聽飲多病骨換照久塵襟迥銷盡謫居愁無

心治歸艇

白龍泉

岸石何鑿鑿，渤滴湧山脚。  
含虛光可鑒，倒影壁如削。  
瀾漫到前溪，支脉通遠壑。  
白龍乃神物，胡此戀一勺。  
勢能為霖雨，力可興雷電。  
上天未有命，茲焉縮頭角。  
應防因螻蟻，泥蟠詎敢躍。  
殖醢曾是憂，養殊非樂亦。  
如君子道出處，貴先覺。  
吾生苦遷謫，未免郡政縛。  
偶來泉畔坐，感興題秋籀。  
抖擻纓上塵，試就清漣濯。  
聊將一掬水洗。

我面慙怍日暮不忍歸風埃滿城郭

明月溪

漲溪者為誰人骨皆已朽我來尋故跡蹊荒亂泉吼惜  
哉幽勝事盡落唐賢手惟餘舊時月團團照山口

清風亭

茲亭廢已久厥趾猶在哉清風為我起疑有精靈來神  
交念宮相臨砌傾一杯迴頭問黃菊寂寞與誰開

望日臺



荒臺隱層碧雲磴踰百尺攀蘿試一登依然有遺跡掌  
舒舊砌平屏卓諸峰直憑高聊寓望孤懷念鄉國長安  
不可見但對金烏赤傾盡葵藿心庶免浮雲隔

歸雲洞

碧洞何眈眈呀然倚山根朝雲出如嘔暮雲歸如吞大  
塊氣不死茲為玄牝門怪石擁左右勢若貙虎蹲旁行  
數十步漆黑不可捫安得鞭燭龍為吾前驅犇尋盡神  
仙窟一一知其源

陽水篆

泠泠庶子泉落落陽水筆雲氣勢崩垂龍蛇互蟠屈嶧  
山既剝滅石鼓又缺失唯茲數十字遒勁倚雲窟模印  
徧華夸流傳耀緗帙書誠一藝爾小道詎可忽乃知出  
人事千古名不沒

垂藤蓋

古藤何樛蟠低蔭庶子泉童童若垂蓋挂在絕壁前月  
穿波影碎露滴岸聲圓曉籠使君醉夜覆溪僧禪昔之

好事者為作出偶然人亡藤已朽猶得聲名傳我欲移  
青松植向泉眼邊既圖歲月久復取節操全所為亦一  
時所期或千年庶吾不朽名長同偃蓋懸

東門送郎吏行寄承旨宋侍郎

西門送僕射鞍馬照路光南門送貳卿冠蓋遙相望東

門送郎吏艤舟隋堤傍

是歲六月十一日僕射吉相公赴西京二十一日參政蘇禮部赴

南陽二十三日予赴滁州承旨侍郎皆為祖席之主

郎吏誠隔品同直白玉堂丈

人況知已振拔在舉揚携手惜我去深勸離別觴醉中

不記事煙水空茫茫醒來聞鳴櫓嘔軋獨自傷猶疑在  
禁中殘漏寒丁當迴望銀臺間五雲遮帝鄉離散今如  
此升沈庸何傷丈人名位峻咫尺登巖廊平居倦朝請  
高論思退藏園田有別業古木羅修篁潭亭寒蕭蕭池  
波碧泱泱嘗云拂袖去可以傲羲皇丈人果能爾識度  
非尋常安車比踈廣辟穀如張良再拜願丈人壽考仍  
康強自念山野士不解隨圓方宦途多齟齬身計頗悲  
涼行將解簪笏歸去事農桑幸容操履杖洒掃循丘塲

送林介

八年困名場萬里省慈親吟變閩越聲衣有京洛塵況  
復長相依知子文行淳不能致一第虛作金鑾臣昔予  
貶商洛相送遠涉漆今予謫滁上語別清淮濱途窮與  
道喪詎免同沾巾

北樓感事

有序

唐朱崖李太尉衛公為滁州刺史作懷嵩樓取懷歸嵩  
洛之義也衛公自為之記其中述直翰林時同僚存歿

且有白雞黃犬之嘆頗露知退之心及自滁徵拜再秉  
鈞軸卒以怙權賈禍貶死海外則向之立言誠空文爾  
皇宋至道元年夏五月僕自翰林學士尚書禮部員外  
郎知制誥除工部郎中知滁州軍州事到郡之日訪衛  
公舊跡樓之與記皆莫知也而郡有北樓通刺史公署  
登眺終日甚亦自得作北樓感事詩以見志

北樓出林杪登覽開病姿旁帶滁州城雉堞何逶迤下

入刺史宅却臨統軍池

孟統軍鑿小池在樓下

伊予翰林客失職

方在茲兩衙簿領外盡日吟望時晚牕度急雨夏木交  
繁枝淮南氣候殊經秋轉黃鸝簷前有山果採掇亦甘  
滋樽中有官醞傾酌任醇醪忘機得真趣懷古生遠思  
念昔李太尉落落邦家基下筆到兩漢料兵如六奇謫  
官來此郡鬱鬱持一麾嘗作懷嵩樓記文悲盛衰甚得  
進退理深明禍福機未幾再入用斯言忽如遺君恩匪  
膠柱天殃若影隨六月萬里行炎荒竟不歸功成又名  
遂不退將安之姑以人事較勿憑天命推矧予草澤士

被褐復羹藜，謬因弄文翰。八載侍丹墀，三入承明廬。古  
人期並馳，玉堂百日罷。所累非文辭，強仕未為老。望郎  
不為卑，淮邊永陽郡。人物自熙熙，費用量所入。豐約從  
其宜，一妻本糟糠。不識金翠施，三男無庶孽。詎愛紈綺  
貲，甘貧絕誅求。易退無羈縻，五十擬歸耕。何必懸車期  
且予，望衛公雲龍與山麋。唐賢昔際遇，文雅道光輝。進  
士取將相，易於俯拾。棊自從五代來，素風已凌遲。干戈  
為政事，茅土輸健兒。儒冠筮仕者，僅免寒與饑。至今明



聖代此風猶未移自無經濟術烏用碌碌為歸歟復歸  
歟無忘北樓詩

送劉職方

罷直出玉堂詔授尚書郎朝僉假郡印承乏來永陽喜  
開黃紙書云替劉職方職方老狀頭疇昔名擅場宦游  
三十載寸進鴛鴦行未出六品班髭鬚已垂霜顧予新  
進生遭時恣翱翔綸闈與內署掌誥侍玉皇夜召赴洛  
殿春遊醉栢梁晚出銀臺門朝服含天香為儒能到此

自道摩穹蒼今年四十二典郡清淮旁卧錦郎位正腰  
金服色光見君深自媿撫已庸何傷古人重交代子孫  
不相忘西掖替左司劉白彤詩章

劉夢得贈白公詩云  
蘇州刺史例能詩西

掖今來  
替左司

沈我忝翰林而君列文昌待將官與氏山寺題

修篁共保不朽名他年比甘棠升沈何足道聚散安有  
常且當唱此詩為君送離觴

### 感興

吾嘗入深山谿谷寒且洹杉檜頗凌雲歲月自朽蠹般

輸日不見何由用斤斧東山大夫松中岳金雞樹秦政  
本獨夫則天乃淫姬名號被常材所幸因一顧為木豈  
有命偶然生要路誰取澗底松上作明堂柱

老態

白髮不相饒秋來生髮邊黑花最相親終日在眼前老  
態固具矣官情信悠然唯當共心約收拾早歸田

官醞

為郡得官醞月給盈三斛地僻少使車時清罕留獄老

大復遷謫吾懷頗幽獨嬋娟樓上月爛熳池邊菊東院  
與西亭脩脩風弄竹對此不開樽騷人應慟哭獨酌入  
醉鄉陶然瞑雙目醒來成浩歎胡為事口腹彞酒書垂  
誠羣飲聖所戮漢文亦禁酒患在靡人穀自從孝武來  
用度常不足權酤奪人利取錢入官屋古今事相倍帝  
皇道難復吾無監與史且盡杯中醪

射弩

麀張見舊史強弩亦古官如何壯夫事今作儒者歡罰

郡在僻左時清政多閒戎裝命賓侶作此開愁顏吳弩  
號健健僕夫為吾彎正侯廢已久畫紙為雕盤日暈生  
幾重挂壁何團團記籌鼓聲急中酌酒量寬誠非軍旅  
事亦有堵牆觀安得十萬枝長驅過桑乾射彼老上廷  
奪取燕脂山不見一匈奴直抵瀚海還北方盡納款獻  
壽夭可汗吾徒久不武干祿為饑寒所得斗升祿齷齪  
在朝班不如執戈士意氣登韓壇笑擁白玉妓醉馳黃  
金鞍郎官一生俸供爾數月間儒將古所重料兵如轉

九誰知戴章甫終老弄辛酸偶因兒戲為痛念邊事艱  
臨風自慷慨素髮衝儒冠

黑裘

野蚕自成繭綵絡為山紬此物產何許萊夷負海州一  
端重數斤裁染為褰裘守黑異華侈崇儉非輕柔燠香  
則無取風雪曾何憂朝可奉冠帶夜以為衾裯晏嬰三  
十年庶幾跡相伴季子嘆貂弊吾服已為優不耻狐貉  
者亦當師仲由況我屢遷謫行採耕桑謳映髮垂鷺頂

植杖昂鳩頭袖寬可以舞老農即為儔不曳銀臺門任  
爾爭封侯

聞鴉有序

滁淮地也郡堞之上鴟鴞巢焉秋冬永夕鳴嘯不已妻子  
驚咤或終夜不寐因作詩以喻之且徵前賢放逐而聞  
是鳥者總而述焉以見吾志

元精自萬彙羽族何茫茫為怪有鴟鴞為瑞稱鳳凰鳳  
凰不時出未識五色章吾生在鄒魯風土殊遠方鳴鳩

隨乳燕日夕巢我梁  
翩翹雜鳥雀遶屋率為常  
又從笙仕來五年居帝鄉  
更直入承明侍宴到未央  
上林聞鶯轉巧舌如笙簧  
鵙鵙徒知名聞見實未嘗  
頃年謫商山聽之已悲涼  
今茲出內庭罰郡來永陽  
誰知爾鷦鷯營巢在城墻  
年加睡漸少秋盡漏且長  
鳴嘯殊不已歷歷含微霜  
孺人泣我右稚子啼我傍  
吾心非達士詎免亦張張  
人生縱百歲忽若石火光  
其間有窮通幽昧難自量  
我愛皐與夔我冠虞舜堂  
簫韶聞九成丹穴來錡錡



又愛闕與散陳力遇文王驚驚聽岐山多士周道昌嗟

嗟漢賈誼年少謫南荒故有鵬鳥賦倚伏理甚詳郇公

暨鄴侯放逐同一鄉夜深聞此鳥韋公涕沾裳李侯舉

酒令斯音非不祥坐客如不聞罰之以巨觴遂使惡鳥

聲聽之靡所傷

天寶中韋郇公謫守蘄州時李鄴侯亦以處士放逐因夜飲聞鵙韋公泣下

李侯曰此鳥人以為惡其聲可聽乃令坐客有不聽其聲者罰以大白由是聽之不厭

贊皇貶袁

州懷鵙義亦臧

李太尉有懷鵙賦

乃知昔賢哲未免亦悽惶况

予不肖者邀寵在朝行報國惟直道謀身昧周防四年

兩度黜髻髮已蒼蒼雖得五品官銷盡百鍊鋼何當解  
印綬歸以謝膏粱教兒勤稼穡與妻甘糟糠鳳來非我  
慶鴉集非吾殃優游盡天年身世俱可忘

甘菊冷淘

經年厭梁肉頗覺道氣渾孟春致齋戒勅厨唯素飧淮  
南地甚暖甘菊生籬根長芽觸土膏小葉弄晴暎米采  
忽盈把洗去朝露痕俸麪新且細漉漉如玉墪隨刀落  
銀鏤煮投寒泉盆雜此青青色芳香敵蘭蓀一舉無子

遺空媿越盤存鮮衣露其腹稚子為我捫飽慙廣文鄭

饑謝魯山元

廣文先生飯不足元魯山餓而死

况吾草澤士藜藿供朝

昏謬因事筆硯名通金馬門官供政事食久直紫微垣

知制誥給政事食自小許公始

誰言謫滁上舉族飽且溫既無甘旨慶

烏用品味繁子美重槐葉直欲獻至尊

事見杜工部槐葉冷淘詩起

予有遺韻甫也可與言

霑雨中偶書所見

丙申二月七是夕月離畢春雲忽霽春雨復濛密綿

綿殆三旬不見天上日謫官在淮甸幽抱常鬱鬱豈無  
琅邪山泥濘不可出空廷唯蚯蚓得勢互蟠屈乘彼積  
陰氣小穴恣出沒山禽忽飛下長嘴啄深窟倒曳方力  
爭強吞遽全失食土與巢林上下非儔匹胡然罹此酷  
不能保微質嗟嗟彼羣小傾奪事匪一儀鳳去九夷神  
龍入泉室如何役吾眼瞻視此小物歸來因浩歎自悔  
成詩筆

唱山歌

滁民帶楚俗下里同巴音歲稔又時安春來恣歌吟接  
臂轉若環聚首叢如林男女互相調其詞非奔淫修教  
不易俗吾亦弗之禁韻叶夜闌尚未闕其樂何悃悃用此  
散楚兵子房謀計深乃知國家事成敗因人心

酬楊遂

楊君江左士文律何飄飄人言未冠時作賦凌洞簫甲

科中南國

江南狀元及第

通籍趨東朝

入中朝為贊善

輒軻位不進陶

潛還折腰

復為縣令

宰邑向蜀道崔蒲忽興妖官小力不支

犇竄避槍刀朝廷責守土黜入縣佐僚昨朝寫孤憤遺  
我有客謠伊予亦左遷諷之心無慘人生一世間否泰  
安可逃姑問道何如未必論卑高自古富貴者撩亂如  
蓬蒿德業苟無取未死名已消豈期顏子淵不朽在一  
瓢推此任窮達其樂方陶陶達則為鵬鵬窮則為鷦鷯  
垂天與巢林識分皆逍遙

和楊遂賀雨

我罷內廷職出臨永陽民永陽民雖庶未免多饑貧富

之既無術齷齪為謹身可堪今夏旱如燎復如焚厥田  
本塗泥坐見生埃氛稚老無所訴嗷嗷望穹旻食祿憂  
人憂晝夜眉不伸促決獄中囚徧禱境內神楚辭有山  
鬼廟貌羅水濱胡法有浮圖寺宇連城闔齋莊命寮案  
供給抽俸緡鼓笛迎湫水香花照金輪誠知非典故且  
慰旱暵人偶與天雨會霽沱四郊勻插秧復修堰野叟  
何欣欣可辨官賦稅亦免農艱辛爰調賴時相感應由  
聖君於吾復何有敢望歌頌云清流楊水部德與我為

鄰仇香官位屈何遜詩格新見投賀雨篇言自人口聞  
夫君蓋私我過實豈相親為霖非我事職業唯詞臣若  
有民謠起當歌帝澤春庶使採詩官入奏助南薰  
侯輯百福長  
與民為霖

楊詩  
云願



小畜集卷五

欽定四庫全書薈要卷一萬四千一百三十一

集部

小畜集卷六

宋 王禹偁 撰

古詩

揚州寒食贈屯田張員外成均吳博士同年殿

省柳丞

揚州池亭即事

一品孫鄭昱

鳳凰陂

月波樓咏懷

十月二十日作

雷

秋霖

真娘墓

遊虎丘

吳王墓

橄欖

為惡

揚州寒食贈屯田張員外成均吳博士同年殿省  
柳丞

前年寒食節待詔直內廷休假百官出獨掩深嚴局近  
侍不敢醉賜酒空滿瓶間就通中枕時聞索上鈴思入  
無何鄉兀然欲忘形去年寒食日淞上忝專城山歌喧  
里巷春物媚池亭永陽溪水綠琅邪山色青謫宦自消  
遣不敢誇獨醒往往取官醞時時對花傾醉來念身世

翻使淚縱橫今年蒞淮海時節又清明對案有留事聽

歌無懽聲胥徒費簿領使客煩送迎狴牢未空歇堰埭  
勞修營衰病力不支懶慢性已成虛花滿雙目素髮添  
幾莖酒殽略無味妓樂固難聽誰言寒食下終日取茶  
烹屯田布素交屈此關市征昔年同應舉典衣飛巨觥  
博士東觀客求官得步兵況且丹陛前同為出谷鶯殿丞  
尹我邑桑梓復弟兄吏隱掌嵯茗終朝談道經三賢宴  
會少七夕休假并何不策我馬廢苑尋流螢何不蕩我

舟樓臺訪摘星三春景欲盡九曲波始平居然逼吏役  
頓此阻交情老態厭春華病身憂宿醒如水若不改藉  
糟亦胡寧解印蓄素志吟詩露丹誠維揚非所愛有便  
即歸耕

揚州池亭即事

冥心閱羣動亦各趨所安胡為名利人戚戚常鮮歡吾  
生四十四結珮呼郡官掌言入綸閣待詔直金鑾匪謂  
得祿少所嗟行道難前年謫滁州憂時雙鬢殘賴有琅

邪溪時濯塵纓冠朝僉徒淮海任重力易殫君恩詎可  
報感激涕沆瀾民瘼不能治惻隱情悲酸況復多病身  
名宦心已閒歸田未果決懷祿尚盤桓公退何所適池  
亭一凭欄旭日媚春卉微風生鳴湍呵僮勿挾彈留客  
不待竿用冀魚鳥馴熙熙肆遊觀神仙未可學吏隱聊  
自寬孤吟刺幽石此義非考槃

一品孫鄭昱

卜葬得假告南出安上門鞭馬六十里暮投中書村村

翁館我宿茅屋欲黃昏有客忽投刺自稱一品孫氣貌

不凡俗因為開酒罇坐久問家諜其族大且繁池州有

清節濫觴發洪源

鄭美天寶末携家遁於嵩少不受祿山偽命由是有清名大厯中自尚書

郎刺池州不赴任遂隱居嵩洛生五子細最知名美累贈司空細自撰父碑事迹甚詳

太傅擅鴻

筆入相又出藩

細元和中和中拜相又鎮嶺表終太子太傅致仕年七十八王起撰碑

其家

本開封改號一何尊

細為相時詔改宰相鳳池里中書村

至是始六代

布衣老丘樊

細生祇德祇德之子曰顥大中朝尚主顥弟項乾寧中太子太保項子嶠太子少詹

事嶠子顥用一品孫補太廟齋郎顯德元年跨驢入府終泌陽令顥子昱昱一品曾孫至細六世矣



縣驅犢耕郊原家廟固已毀國史空具存盛德百世著  
功必格乾坤高太已不祀羨網何可論況復起章句乘  
時寵便蕃子孫雖替陵尚得守田園我愛三代時法度  
有深根卿大夫稱家世世奉蘋蘩四民有定分宦路無  
馳奔自從雜霸道傾奪日喧喧脫耒秉金鉞吮筆乘朱  
軒朝榮暮又辱容易如掌翻古道不可復頽波益以渾  
何況度木者倒置輪與轅我亦起白屋兩朝直紫垣蔭  
子有官常賞延弟與昆盡待食人祿將何報君恩農桑

國之本孝義古所敦五族不力穡終歲飽且溫雖非享  
富貴亦以蠹黎元唐賢尚消歇我輩奚足言呼兒諷此  
詩播在箎與埙

### 鳳凰陂

次公治潁川仁政被一方神物不藏瑞茲焉集鳳凰在  
昔奏簫韶舜庭來蹒蹒西伯有至化亦見鳴岐陽仲尼  
豈無德已矣空悲傷夫何刀筆吏而能致休祥我來過  
荒陂煙草但蒼蒼緬懷漢循吏史筆恐未詳

月波樓詠懷有序

月波之名不知得於誰氏圖經故老皆無聞焉因作  
古詩一章凡六百八十字陷於樓壁庶使茲樓之名  
與詩不泯也

郡城無大小雉堞皆有樓其間著名者不過十數州吹  
簫事遼夏仙跡費尋求庾公在九江締構何風流謝守  
鎮宣城疊嶂名有由東陽敞八詠吾聞沈隱侯白雪架  
郢中調高誰和酬黃鶴倚鄂渚仙去事悠悠贊皇謫滁

上作賦懷嵩丘樓居出俗態澤國多勝遊好景不遇人  
安得名存留齊安古郡廢移此清江頭築城隨山勢屈  
曲復環周茲樓最軒豁曠望西北陬武昌地如掌天末  
入雙眸平遠無林木一望同離婁山形如八字會合勢

相勾

東晉方士戴洋言武昌有山無林山形八字勢不  
及九故孫權以黃武元年都武昌八年遷建業

三國事既遠六朝名亦休近從唐末來爭奪互仇讎斯  
樓備矢石此地控咽喉終朝望烽燧連歲事戈矛可憐  
好詩景牢落無人收皇家統萬國遠邇盡懷柔三聖四

十年蕩蕩文德修楚甸為內地黃岡壓上游儒冠假郡

印踐更若公郵况多辨職吏誰肯恣吟謳伊余何為者

竊慕騷人傳兩朝掌文翰十年侍冕旒去歲出西掖謫

居抱窮愁日日江樓上風物得冥搜何人名月波此義

頗為優西南新桂魄初上懸玉鉤晚瀨清且淺漂蕩影

沈浮三五金波滿夜光如暗投驪龍弄頷珠晃朗照汀

洲澹臺拔寶劍碎壁斬長虬冰輪曉入地推下赤金毬

闌干四五星斜漢印清秋誰家上元燈兒戲剗瓠蘆此

景吟不出謾使聲呦呦千里畫圖濶四時詩興幽野花  
媚宮纈芳草鋪碧油火雲照沙浦暴雨傾瓦溝白亂蘆  
花散紅殷蓼穗稠簷冰垂若綆雪片大於鷗江離煙漠  
漠官柳雨颼颼舟子斜盪槳牧童倒騎牛水獺有時戲  
江豚頗能汨山鳥奏箏籟落霞展衾裯魚網雪離離酒  
旗風颼颼旅懷雖自適詩物奈相尤右顧徐邈洞精靈  
知在不左看伍員廟荒隙令人羞樓中何所有官醞湛  
蚍蜉碁枰留客坐琴調待僧抽橘苞鄰藥鼎詩筆間茶

甌平生性幽獨寂寞誰獻酬官常已三黜懷抱罹百憂  
凭欄憶王粲望闕同子牟自甘成潦倒無復事聲猷身  
世喻泡幻衣冠如贅瘤放意無何鄉誰分親與仇寓形  
朝籍中毀譽任啁啾君恩無路報民瘼無術療唯慙戀  
祿俸未去耕田疇題詩郡樓上含毫思夷猶功名非范  
蠡何必泛扁舟

十月二十日作

是日甚寒  
始有冰

重衾又重茵蓋覆衰爛身中夜忽涕泗無復及吾親須

史殘漏歇吏報國忌晨凌旦騎馬出溪冰薄潏潏路旁  
飢凍者顏色頗悲辛飽煖我不覺羞見黃州民昔賢終  
祿養往往歸隱淪誰教為妻子頭白走風塵修身與行  
道多媿古時人

雷

商山春夏旱旱雷不降雨及秋又霖霖雷聲時一舉南  
山復北山礧礧若贗虎君子容必變所以敬天怒無乃  
豐隆鬼恣意撾雷鼓此怒既非天敬之亦奚取



秋霖二首

秋霖週百日歲望終何如嘉穀就穗生茁茁垂青鬚宿  
麥未入土大田多泥塗河濶不辨馬原高恐生魚時政  
苟云失生民亦何辜雨若是天淚天眼應已枯

山雲百日雨山水十丈波田疇與道路一夕成江河巨  
石大於瓮吹轉如蓬窠夏旱既損麥秋潦復無禾津梁  
盡傾壞商販絕經過斗米二百金吾生將奈何安敢比  
夷齊愚聖不同科應如元魯山餓死深山阿

元魯山  
居阻水絕

食而  
死

### 真娘墓

女命在於色士命在於才無色無才者未死如塵灰虎  
丘真娘墓止是空土堆香魂與膩骨銷散隨黃埃何事  
千百年一名長在哉吳越多婦人死即藏山隈無色固  
無名丘冢空崔嵬唯此真娘墓客到情徘徊我是好名  
士為爾傾一杯我非好色者後人無相咍

### 遊虎丘

樂天曾守郡酷愛虎丘山一年十二度五馬來松關我  
今方吏隱心在雲水間野性羣麋鹿忘機狎鷗鷗乘興  
即一到興盡復自還不知使君貴何似長官閒

吳王墓

惜哉吳王墓秦帝嘗開破應笑埋金玉千年賈餘禍不  
待虎跡銷已聞鮑車過又是驪山頭炎炎三月火

橄欖

江東多果實橄欖稱珍奇北人將就酒食之先顰眉皮

核苦且澀歷口復棄遺良久有回味始覺甘如飴我今  
何所喻喻彼忠臣辭直道逆君耳斥逐投天涯世亂思  
其言噬臍焉能追寄語採詩者無輕橄欖詩

為惡


明時巧言士亂世佞倖郎佞倖唯苟且巧言頗包藏為  
惡雖不同同歸於覆亡

小畜集卷六

謹案卷四第六頁後六行惜哉傷躁進刊本躁訛  
躁據宋文鑑改

卷六第四頁後三行我愛三代時刊本三訛五時  
訛史據別本改





總校官庶吉士 臣張能照

校對官中書 臣金光悌

膳錄舉人 臣秦朴

膳錄監生 臣沈恕



欽定四庫全書薈要

集部

小畜集卷八

七

詳校官助教臣常循



欽定四庫全書薈要卷一萬四千一百三十二

集部

小畜集卷七

宋 王禹偁 撰

律詩

書懷

寄碭山主簿朱九齡

寄魚臺主簿傅朝

寄寧陵陳長官

寄金鄉張贊善



赴長洲縣作

惠山寺留題

遊虎邱山寺

寄獻潤州趙舍人

寄毘陵劉博士

謝柴侍御送鶴

官舍書懷呈羅思純

除夜寄羅評事同年

陸羽茶泉

投柴殿院

東鄰竹

南園偶題

戲贈嘉興朱宰同年

春日官舍偶題

寄獻翰林送宋舍人

吳江縣寺留題

獻轉運使雷諫議

羅思純鶴斃為四韻弔之

即席送許製之曹南省兄

中元夜宿餘杭仙泉寺留題

贈草庵禪師

言懷

題響屨廊壁

中秋月

贈採訪使閤門穆舍人

泛吳淞江

獻轉運副使太常李博士

蘇州寒食日送人歸覲

春晚遊太和宮

再泛吳江

筍

官舍書懷呈郡守

贈母中舍

贈贊寧大師

題錢塘縣羅江東手植海棠

武平寺留題

贈湖州張從事

送李中舍罷蕭山赴闕

寄主客安員外

和郡僚題李中舍公署

送奉常李丞赴闕

題張處士溪居

初拜拾遺遊瓊林苑

館中春直偶題

寄贊寧上人

歲暮偶書寄蘇臺舊僚友

朝退偶題

送王司諫赴淮南轉運



送郝校書從事相州

獻僕射相公

賀李宗諤先輩除校書郎

送夏侯正言襄陽迎親

送鞠評事宰蘭溪

送查校書從事彭門

送史館趙寺丞出宰咸陽

送田舍人出守淮陽

送羅著作奉使湖湘

送夏侯正言奉使江南

送館中王正言使交趾

七夕應制

送柴郎中使高麗

送羅著作兩浙按獄

賀溫正言賜紫

送光祿王寺丞通判徐方

謝同年黃法曹送道服

送馮學士入蜀

賀將作孔監致仕

和陳州田舍人留別

送密直溫學士西京遷葬

寄田舍人

送趙令公西京留守

送同年劉司諫通判西都

賀范舍人再入西掖

閣下詠懷

閣下暮春

舍人院竹

省中苦雨

書懷

釋褐來成武初官且自強  
位卑松在澗俸薄葉經霜  
雨  
菌生書案飢禽啄印床  
猶驚寫秋卷槐砌落花黃



寄碭山主簿朱九齡

忽思蓬島會羣仙二百同年最少年  
利市襴衫拋白紵風流名紙寫紅牋  
歌樓夜宴停銀燭柳巷春泥污錦韉  
今日折腰塵土裏共君追想好淒然

寄魚臺主簿傅朝

聽說魚臺景最奇鮑參軍到語多時

時林法棧來自魚臺因言煙水之興

故有此句

天晴綠野懸漁網木脫空城露酒旗  
錦擲鮮鱗紅

撥刺雪翻寒鷺白襜褕仍誇縣尹風騷客應有秋來唱

和詩

寄寧陵陳長官

吏隱寧陵縣琴堂枕古河  
家山隔江遠風雨過舡多假  
日親尋藥公庭自種莎  
相逢如舊識執手動勞歌

寄金鄉張贊善

年少辭榮自古稀  
朝衣不着着斑衣  
北堂侍膳侵星起  
南畝催耕冒雨歸  
種竹野塘春筍脆  
採蘭幽澗露芽肥  
伊予自是徒勞者  
未得同尋舊釣磯

赴長洲縣作 二首

移任長洲縣登舟興有餘  
蓬蒿時見月棹穩不妨書  
雨碧蘆枝亞霜紅蓼穗疎  
此行紆墨綬不是為鱸魚  
移任長洲縣辭親淚滿衣  
折腰雖未免搔首欲何歸  
曉白霜華重晴紅粟葉飛  
江頭鷗鷺在應怪不忘機

惠山寺留題

吟入惠山山下寺  
石泉閒挹味何嘉  
好拋此日陶潛米  
學煮當年陸羽茶  
猶負片心眠水石  
略開塵眼識煙霞

勞生未了還東去孤棹寒篷宿浪花

遊虎丘山寺

寺牆圍著碧孱顏曾是當年海湧山盡把好峯藏院裏  
不教幽景落人間劒池草色終冬在石座苔花自古斑  
珍重晉朝吾祖宅一迴來此便忘還

寄獻潤州趙舍人

二首

南徐城古樹蒼蒼衙府樓臺盡枕江甘露鐘聲清醉榻  
海門山色滴吟窓直廬久負題紅藥出鎮何妨擁碧幢



聞說秋來自高尚道裝筇竹鶴成雙

記言采筆罷摘華郡閣高間似道家琴院坐聽江寺磬  
郡樓吟見海山霞春園遺母親燒筍夜榻留僧自煮茶  
應笑陶潛未歸去折腰奔走在泥沙

寄毘陵劉博士

毘陵古郡接江堧赴任琴書共一舡下岸且尋甘露寺  
到城先問惠山泉秋蟾吐檻供吟興野鶴隈床伴醉眠  
官散道孤詩格老算應雙鬢更皤然

謝柴侍御送鶴

兩朶春雲墮世間  
霜臺乞與縣僚看  
骨含仙氣生來瘦  
羽揔天風過處寒  
淚別繡衣聲寂寂  
舞隨藍綬意珊珊  
今朝窓外頻相顧  
應怪頭無獬豸冠

官舍書懷呈羅思純

同年事分幾般同  
墨綬逶迤一郡中  
仙桂並枝攀月魄  
縣花交影笑春風  
分莎種就尋僧選  
借竹編成養鶴籠  
公暇不妨閒唱和  
免教來往遞詩筒

除夜寄羅評事同年三首

歲暮洞庭山知君思浩然年侵曉色盡人枕夜濤眠移  
棹燈搖浪開窓雪滿天無因一乘興同醉太湖舫  
除夜在天涯共君同憶歸夢中傾壽酒堂下著斑衣臘  
雪通宵舞梅花到處飛更堪洞庭宿愁思倍依依  
郡僚方賀正獨宿太湖稜堦下羞為吏舫中祇載僧折  
梅和薄雪煮茗對孤燈應笑排衙早寒靴踏曉冰

陸羽茶泉

甃石封苔百尺深  
試茶餘味少知音  
唯留半夜泉中月  
嘗得先生一片心

投柴殿院 三十韻

南面修文德  
東吳納土疆  
蒼生思撫育  
丹詔擇循良  
烏府官新轉  
龍頭桂舊香  
渡江驄馬瘦  
垂地繡衣長  
綸閣材知屈  
蘇臺俗必康  
恩流一車雨  
威凜栢臺霜  
休假尋山寺  
行春泊野塘  
白公是前政  
魯望有維桑  
求瘼心雖切  
願神道豈妨  
煎茶虎丘井  
搗藥木蘭堂  
筍蕨供家饌

園林著道裝擊筇教鶴舞收橘待僧嘗迎使朝衣穩娛  
賓綺席張犬聲銷巷陌鶯舌動笙簧冷句題秋葉孤琴  
貯夜囊歌樓寒月白飲舫晚波涼官業除苛法家風襲  
雅章

故兵部員外郎自牧之  
子兵部以詩名擢第

豸冠危肅物象簡醉橫床

熊軾淹寧久鰲頭譽轉芳南園休命侶北闕即徵黃清  
貴容誰見遭逢合自強字人叨屬邑畏德每循牆名品  
知懸隔孤危俟薦揚折腰休太息青眼異尋常岱岳容  
拳石滄溟納濫觴扶搖如借便羽翼必高翔從事員多

闕徒勞跡可傷金臺雖載築珠履未成行始隗前言在  
依劉後進光免教青史上獨美一燕王

東鄰竹

東鄰誰種竹偏稱長官心月上分清影風來惠好音低  
枝疑見接筍似相尋多謝此君意墻頭誘我吟

南園偶題

天子優賢是有唐鑑湖恩賜賀知章他年我若功成去  
乞取南園作醉鄉

戲贈嘉興朱宰同年

縣前蘇小舊荒墳應作行雲入夢頻猶勝白公尉藍屋

庭花剛喚作夫人

朱未  
婚

春日官舍偶題

薄宦苦流離壯年心已衰鶯花愁不覺風雨病先知曉  
月晃竹屋寒苔疊槿籬無人慰幽寂庭柳自低垂

寄獻翰林送宋舍人

金鼎鹽梅偶未和位高猶說野情多官牆月上開琴匣

道院風清響藥羅留客旋燒含露笋倩僧教種耐霜荷  
孤寒知有為霖望未忍江頭釣綠波

吳江縣寺留題

松江江寺對峯巒檻外生池接野灘幽鷺靜翹春草碧  
病僧閒說夜濤寒晨齋施筍唯溪叟國忌行香祇縣官  
盡日門前照流水塵纓渾擬濯沆瀾

獻轉運使雷諫議

二首

當年辭氣壓朱雲老作皇家諫諍臣章疏罷封無事日



朝廷猶措直言人題詩野館光泉石講易秋堂動鬼神  
棘寺下僚叨末路齊心唯願秉陶鈞

江南江北接王畿漕運帆檣去似飛父子有才同富國  
君王無事免宵衣屏除姦吏魂應喪養活疲民肉漸肥  
還有文場受恩客望塵情抱倍依依

時諫議子有終  
為淮南轉運

羅思純鶴斃為四韻弔之

雪乾朱澹殞仙姿千歲無徵事可悲埋瘞肯饒鸚鵡塚  
飛鳴不到鳳凰池遺音尚在飄松逕舊跡猶存傍槿籬

應得羽人尸解術夜來何處啄靈芝

即席送許製之曹南省兄

袞

梅爛荷圓六月天歸帆高背虎丘煙到時自是成行雁  
別處休聽滿樹蟬賣劍為賒吳市酒攜家猶借洞庭舡  
待看春榜來江外名占蓬萊第幾仙

中元夜宿餘杭仙泉寺留題

祭廟迴來略問禪

時以歲旱山廟祈雨退宿於寺

蘇牆莎徑碧山前風

疏遠磬秋開講水響寒車夜救田藍綬有香花菡萏竹

牕無寐月嬋娟自慙政術貽枯旱忍卧松陰漱石泉

贈草庵禪師

陽山山下草庵深

陽山一名餘杭

寂寂香燈對遠岑莫怪相看

總無語坐禪為政一般心

言懷

宦途日日與心違人事紛紛任是非却為遊山置行李  
漁家舡舫道家衣

題響屨廊壁

廊壞空留響，標名為因西子遠。廊行可憐伍，相終朝諫。  
誰記當時曳履聲。

中秋月

何處見清輝，登樓正午時。莫辭終夕看，動是隔年期。  
冷濕流螢草，光凝宿鵲枝。不禁雞唱曉，輕別下天池。

贈採訪使閤門穆舍人

經略十三州，東南帝不憂。二年辭玉砌，幾夜夢珠旒。  
旌旆雖遐適，江山是勝遊。風謠隨處採，民瘼盡心求。  
報國

機鈴密供吟景象幽煮茶溪畔寺望月海邊樓步武思  
龍尾琴書在鷁舟聽泉調玉軫拂石試銀鈎古畫多收  
買新詩寡和酬酒醒聞瀑響睡起見潮頭奉使時將久  
歸朝禮必優一麾先出守萬戶待封侯遇主當宜貴遺  
材亦合收此身居下位無路畫良籌已悔田園廢堪驚  
鬢髮秋憑誰念寒苦祇是擬歸休僻甚陶元亮貧過魯  
仲由品題殊不濫清濁肯同流復命期三接陳詩說四  
愁薦雄如有便還解殺身酬

穆好琴頗  
善書札

泛吳淞江

葦篷踈薄漏斜陽  
半日孤吟未過江  
唯有鷺鷥知我意  
時時翹足對舡窓

獻轉運副使太常李博士

邦計動宸衷  
時賢蒞浙東  
量寬吞渤澥  
氣直稟崆峒

博士

燕人捧詔瑤墀下  
辭班玉筍中  
饋糧蕭相國  
制禮叔孫通

舉措敦儒行  
詆諆有古風  
冀方思舊政

博士前理冀人懷之江

表佇成功吏  
畏嚴霜  
白民歌愛日  
紅勤王  
雖運智脩道

豈妨公旋種煙莎逕閒科雨竹叢養成丹頂鶴瘦盡雪  
花驄移石情無倦抄書俸不充晨餐燒露筍秋句寫霜  
楓碁閣連花塢書窓映燭籠僧傳栽樹法客獻遮詩筒  
飲席螺為盞吟舟葦作篷按琴苔院冷搗藥月堂空清  
白成家計操修達聖聰即徵歸象闕清秩冠鴛鴻

蘇州寒食日送人歸覲

江城寒食下花木慘離魂幾宿投山寺孤帆過海門蓬  
聲潑火雨柳色禁烟村定省高堂後斑衣減淚痕

春晚遊太和宮

數里新萍夾岬莎春來乘興宿煙蘿隨風蝴蝶顛狂甚  
當路花枝採折多絳節參差抽苦筍翠鈿狼籍撒圓荷  
湖山滿眼不休去空羨漁翁雨一蓑

再泛吳江

二年為吏住江濱重到江頭照病身滿眼碧波輸野鳥  
一蓑疎雨屬漁人墮舡曉月孤輪白入座晴山數點春  
張翰精靈還笑我綠袍依舊惹埃塵



筍 三首

數里春蹊獨自尋  
迸瓊抽錦亂森森  
田文死去賓朋散  
拋擲三千玳瑁簪

綠玉修修冷罩煙  
一溪春露洗嬋娟  
不知徐福歸何處  
卽女童男泣海田

一夜春雷起舊根  
亂披煙籜出溪門  
稚川龍過頻回首  
認得青青數代孫

官舍書懷呈郡守

年來潘令髻初凋瘦馬青衫恥下僚藥債漸多醫宿疾  
宦情猶切戀明朝空江梅雨添幽鬱古縣槐花鎖寂寥  
賴有郡侯知己在每憐憔悴貫金貂

贈母中舍

嶺表榆關路嶮巖頒條持節兩無辭四方自是男兒事

萬里歸來聖主知

中舍嘗奉使入蕃又連責  
叔嶺外二郡由是知名

雪嶺舊行

閒入夢貪泉曾飲別留詩如今已見功名立休憶當年

一桂枝

贈贊寧大師

詔修僧史越江濱萬卷書中老一身赴闕尚留支遁馬  
援毫應待仲尼麟溟濛雪影松牕曉狼籍苔花竹院春  
還許幽齋暫相訪却慙陶令滿衣塵

題錢塘縣羅江東手植海棠

江東遺跡在錢塘手植庭花滿院香若使當年居顯位  
海棠今日是甘棠

武平寺留題

縣齋東面是禪齋公退何妨引鶴來長愛座中如洞府  
却慙衣上有塵埃竹聲冷撼秋窓雨山影青籠曉院苔  
最憶去年飛雪裏煮茶煨栗夜深迴

贈湖州張從事

前年春榜亞龍頭詞賦曾推第一流上直未歸紅藥院  
供吟先得白蘋洲酒醒野寺烹山蕨公退溪亭狎海鷗  
自是吳門折腰吏滿衣塵土為君羞

送李中舍罷蕭山赴闕

吏隱江東五六年歸朝猶戀好山川  
野僧送別攜詩句瘦馬臨岐當酒錢  
吳苑醉逢梅弄雪隋堤吟見柳垂煙  
自言更共秋濤約未舍西興一釣舡

寄主客安員外

十韻

罷郡歸蘭省還愁到帝鄉  
起朝騎瘦馬賃宅住閭坊  
命服紆春草吟髭鑷夜霜  
有心憶雲水無語狎班行  
藥債經年欠文編滿篋  
藏教兒學辭賦倩客賣囊裝  
尋寺誰同步留僧自拂床  
舉公投卷軸時相覓文章窮達君雖

了沉淪我亦傷何當昇大用吾道始輝光

和郡僚題李中舍公署

樹影池光映曉霞綠楊陰下吏排衙閒施屐齒妨橫筍  
靜拂琴床有落花地脉暗分吳苑水厨煙時煮洞庭茶  
青宮詞客多閒暇按曲飛觴待歲華

送奉常李丞赴闕

江城方話舊捧詔去長安宦路相逢少鄉情叙別難煙  
波迷曉渡風雨動春寒初夏應回首重期看牡丹

題張處士溪居

雲裏寒溪竹裏橋，野人居處絕塵囂。  
病來芳草生漁艇，睡起殘花落酒瓢。  
閒把道書尋曉逕，靜攜茶鼎洗春潮。  
長洲懶吏頻過此，為愛盤飧有藥苗。

初拜拾遺遊瓊林苑

開宴曾遊此，綴行五年為吏別。  
仙鄉杏園鶯蝶如相識，應怪重來舊綬香。

館中春直偶題

御柳差差拂禁墻  
非才何事直仙鄉  
坐聞雞唱皇宮近  
睡枕魚鬚白日長  
簾掛蘼庭微雨霽  
硯添桐井落花香  
春風老盡詩情淡  
翻卷青編獨遶廊

寄贊寧上人

時上人進新修高僧傳有詔赴闕

支公兼有董狐才  
史傳修成乙夜開  
天子遠酬丹詔去  
高僧不出白雲來  
眉毫久別應垂雪  
心印休傳本似灰  
若念重瞳欲相見  
未妨西土一浮杯

歲暮偶書寄蘇臺舊僚友



吳門吏隱過三年何事陶潛捧詔還步武已趨龍尾道  
夢魂猶憶虎丘山花開茂苑誰同醉雪滿梁園獨掩關  
會待他年求郡印劒池重遠碧潺潺

朝退偶題

吏隱金門祇似閒退朝窮巷懶開關經年不到公卿宅  
五日空隨侍從班禁漏出花寒歷歷御泉通市細潺潺  
功名未立年猶少爭忍攜琴去舊山

送王司諫赴淮南轉運

白獸樽前侍玉除暫分邦計別宸居映淮風月供吟筆  
拱極星辰伴使車別宴酒濃桑葉落野亭霜薄菊花疎  
東南莫作三年調紅藥香繁在直廬

送郝校書從事相州

提筆從戎別帝鄉宦情兼領校書郎將軍幕下紅蓮媚  
詩客袖中丹桂香吟倚旌旗春過雨醉聽刁斗夜含霜  
金臺莫作多時計非久應歸振鷺行

獻僕射相公

二首

罷調金鼎道光輝聞說閒園自種薇書院日斜春睡覺  
沙堤人靜早朝歸吟依竹逕僧同步醉繞花庭蝶上衣  
却恐優游未終歲台星依舊照黃扉

五年黃閣掌陶甄憂國翻成兩鬢斑初引廟堂溫樹冷  
暫收霖雨岳雲間春園領鶴尋芳草小閣留僧畫遠山  
惟有門生苦求見竹齋花院一開關

賀李宗諤先輩除校書郎

秋省官清住帝鄉春風原是狀元郎未吟紅藥歸西掖

且著青衫侍北堂射策更期揮健筆騎驢猶得醉閒坊  
同年佐邑應相羨衣上芸香雜桂香

送夏侯正言襄陽迎親

蘭省方讐乙夜書襄陽迎侍整脂車揮毫偶未歸綸閣  
衣錦何妨奉板輿峴首碑前留馬足鹿門山下宿僧居  
漠臯游女曾相識應解鳴璫換佩魚

送鞠評事宰蘭溪

東下蘭溪數十程幾多山水入圖經科名舊捷仙人桂

縣界遙看婺女星  
琴院靜籠江樹綠  
勅樓高對海峯青  
三年吏隱無嗟嘆  
百里封疆似畫屏

送查校書從事彭門

佐幕徐方鬢未秋  
官升芸閣更風流  
姓名舊在鶯遷榜  
詩什重題鶯子樓  
漸有俸錢供藥債  
應無歸夢到漁舟

公餘時上臺頭寺  
珠履金貂共勝遊

曹侍中  
為徐師

送史館趙寺丞出宰咸陽

縣連秦漢舊離宮  
分付詩人勝武功  
帶職遠辭書殿去

攜家深入畫圖中  
庭花曉潤終南雨  
檻竹寒搖渭水風  
百里封疆三館客  
折腰休嘆似陶公

送田舍人出守淮揚

藥樹吟多且握蘭  
藹然公譽滿朝端  
西垣罷直蒼苔冷  
南郡行春綠野寬  
舊旆出過應璉墓  
棠陰潛上伏犧壇  
鄉心休夢峨嵋雪  
會顧青蒲憶史丹

送羅著作作奉使湖湘

使星躔次入長沙  
曉別延英去路賒  
數刻漏中承密旨

幾重湖外奉皇華  
山行馬拂湘川石  
寺宿僧供岳麓茶  
迴日期君直西掖  
當堦紅藥正開花

送夏侯正言奉使江南

百舌關關麥隴青  
遠山迎馬翠如屏  
禁中已誦相如賦  
江外猶看使者星  
衣拂茶煙尋水寺  
枕歌梅雨泊沙汀  
歸期莫過中秋節  
侍宴甘泉月滿庭

送館中王正言使交趾

乘輅南下興何長  
大半江山是故鄉  
蠻府好迎天上使

朝賢不為橐中裝，犀牛出水挨銅柱。  
颶母扶空卸海檣，復命丹墀莫經歲。  
北門西掖待翺翔。

七夕應制

斜漢橫空瑞氣浮，橋邊烏鵲待牽牛。  
長生殿冷時無事，乞巧樓多歲有秋。  
菡萏晚花清露濕，嬋娟新月暮煙收。  
華封禱祝華胥夢，誰道神仙不可求。

送柴郎中使高麗

初過清明野色繁，柳花榆莢撲軺軒。  
中台應宿郎官貴，



外國占星使者尊海水無波分島嶼扶桑見日認藩垣  
東夷休請蕭夫子好把詩書問狀元

送羅著作作兩浙按獄

著作嘗宰  
蘇州吳縣

使印星車適舊遊陶潛今日在瀛洲科條盡曉三千罪  
囹圄應空十二州舊綬有香籠駟馬皇華無暇狎沙鷗  
歸來重過姑蘇郡莫忘題名向虎丘

賀溫正言賜紫

密疏封來乙夜看延英召對議安邊榮頒紫綬同三品

舊賜朱衣未一年白獸捧樽斟御酒金魚垂鬣惹鑪煙  
從今便有公卿望休夢天台瀑布泉

送光祿王寺丞通判徐方

通倅徐方舊綬新老萊衣服暫離身家君蓮幕開廳事  
少儀文人頃年載筆徐方訪問今通判  
廳即翩翩翩翩字也父子繼處士人榮之  
府帥金貂耀縉

紳戲馬臺荒春寂寞斬蛇鄉古樹輪囷公餘應長吟滋  
味好寄西垣寓直人

謝同年黃法曹送道服

鮑昭貽我羽人衣下直何妨盡日披老去自堪將野鶴

客來休更佩金龜官供謾說青綾被

漢尚書郎更直建禮門給青綾被今

西垣之任

私便全勝白接籬未脫朝簪戀明主耿懷空作謝

君詩

送馮學士入蜀

錦川宜共少年期四十風情去未遲蠶市夜歌歌枕處  
峨嵋春雪倚樓時休誇上直吟紅藥多羨乘輶聽子規  
莫學當初杜工部因循不賦海棠詩

賀將作孔監致仕

泣辭明主挂冠簪便約幽雲老舊林朝請罷來頻典笏  
田園歸去只攜琴焚香靜院當山色曬藥空庭避竹陰  
一子得官三品祿未饒疏傳有黃金

和陳州田舍人留別

五首

宛丘分理藉賢明暫輟詞臣撫百城職罷披垣人共惜  
郡連京輔自為榮休吟紅藥堦前色且聽長淮枕上聲  
駐馬都門相別處柳黃莎碧上林鶯

東風初暖酒難銷五馬行春罷趁朝道畔棠陰同召伯  
堦前蓂莢別唐堯下車正是嘗新筍得句何妨寄舊僚  
預想郡齋公宴處桃花凝露柳垂條

演綸多暇每封章暫去頒條道更光郡吏好排紅粉妓  
使君曾是紫微郎樓臺有月新詩出囹圄無人綠草長  
地接清淮足佳致水村煙塢似吾鄉

淮陽冰綻柳條新風物暄妍土俗淳捧詔暫辭雙闕路  
勸農深入四郊春茶煙靜拂聽琴鶴穀雨輕籠鋤麥人

贏得褰帷恣吟興落花飛絮滿車茵

頒條京輔近吾君政術高於召信臣道服日斜披鶴氅  
藥畦春暖步龍鱗歸朝莫惜三年調化俗應蘇一郡人  
願作淮陽去思頌與君刻石慰陳民

送密直溫學士西京遷葬

錦衣西去道何光卜葬伊川舊釣鄉留守開筵親舉白  
故人垂淚看焚黃重尋泉石應多感旋挿松楸未着行  
一月歸程如有暇雲間時到讀書房

寄田舍人

出處昇沈不足悲，羨君操履是男兒。  
左遷郡印辭綸閣，直諫書囊在瑣帷。  
未有僉諧徵賈誼，可無章疏雪微之。  
朝行孤立知音少，閒步蒼苔一淚垂。

送趙令公西京留守

勲業與誰同，蕭何第一功。  
兩朝行直道，萬國變淳風。  
微恙妨三接，辭榮動四聰。  
白麻宣上閣，清洛守離宮。  
讓表回宸翰，朝辭泣舜瞳。  
對深移五刻，官重帶三公。  
鳳浴荀

池暖龍蟠洛邑雄位尊非借冠神爽近維嵩導騎香塵  
細肩輿曉霧籠下車鷓鴣語開宴牡丹紅溫樹深巖夢  
甘棠蔽芾叢趨庭採蘭子投刺茹芝翁廣化如靈鷲天  
津似綵虹先皇陵樹老白傅影堂空春饌思山蕨秋屏  
畫水蒨御泉通解宇禁柳映簾櫳元老優游盛明君眷  
注隆更須歸相府特地代天工永佐千年運重頒九錫  
弓不同崔四入正在亂離中

送同年劉司諫通判西都



元老留司卧雒陽諫官通理輟駕行仲宣舊佐紅蓮幕  
裴度新開綠野堂幾處古碑停馬讀到時春筍約僧嘗  
香山居士真容在為我公餘奠一觴

賀范舍人再入西掖

再入承明舊直廬腰間仍得佩金魚

舍人前在綸閣猶是朱紱

重批

漢武求賢詔曾上東方自薦書

舍人早歲自諫垣上書自此東方朔遂入閣下

紅藥篇章應感動紫泥封檢未生疎樊川杜曲休勞夢

日日延英侍玉除

舍人前自綸閣出知永興故有樊川杜曲之句

閣下詠懷

正向承明戀直廬年來華髮已侵梳

予年三十八始見白髮

官清

自比乘軒鶴心小還同畏網魚西掖永懷王閣老

故兵部王

侍郎出入西掖三十餘年

北門堪嘆扈尚書

故承旨扈公在兩制

三十年不能引退以至老病  
不任宿直始有正卿之命

會當辭祿東陵去數畝瓜

田一柄鋤

閣下暮春

詔書稀少日何長閒枕通中睡一場院吏報來丞相出

紫微花影上東廊

舍人院竹

封了詞頭遶砌行  
此君相伴最多情  
西垣不宿還堪恨  
辜負夜窻風雨聲

省中苦雨 二首

霏霏連晝復連宵  
紅藥蒼苔也寂寥  
唯有御溝堤畔柳  
拂簷遮檻不勝嬌

醉魂吟魄正悽悽  
簷溜窻風冷切肌  
階下怒蛙休跳躍

浮雲遮日不多時

小畜集卷七

欽定四庫全書薈要卷一萬四千一百二十三

宋部

小畜集卷八

宋 王禹偁 撰

律詩

初出京過瓊林苑

中年縣旅舍喜同年高紳著作見訪

鄭州與張秉監察聯句

滎陽懷古

過鴻溝

金  
卷八  
旅次新安

硤石縣旅舍

稠桑坡車覆

閩鄉旅夜

初入山間提壺鳥

聽泉

初到商州館於妙高禪院佛屋壁上見草聖數  
行讀之乃數年前應制所作皇帝試貢士詩思

追前事感而成章

謫居感事

敝帷詩

和馮中允仙娥峯

龍鳳茶

元日作

急就章

御書錢



上元夜作

仙娥峯

遊仙娥峯後戲題

上寺留題

對雪感懷呈翟使君馮中允同年

遊四皓廟

商山

丹水

歲暮感懷貽馮同年中允

畚田詞

有序

雪後登靈果寺閣

獨遊南靜川

賀畢翰林

賀三舍人新入西掖

送舍弟赴舉因寄兩制諸大僚

商山海棠

翰林畢學士寄示醫癭藥方因題四韻兼簡兩制諸知

內翰畢學士士安外制柴舍人成務故兵部閣

老王公祐之門生又與第五廳舍人旦同在兩

制追思餘慶因賦短章寄於三君子

賀柴舍人新入西掖

歲除日同年馮中允攜觴見訪因而沈醉病酒  
三日醒而偶贈

得昭文李學士書報以二絕

來書云看書除莊  
老樂天詩最宜枕

藉

南靜川野桃花下獨酌因簡馮中允

放言

寄獻僕射相公

寄馮舍人

迴襄陽周奉禮同年因題紙尾

清明日獨酌

寒食

春日登樓

山僧雨中送牡丹

春居雜興

登郡南樓望山感而有作

讀史記列傳

睡

送秦供奉自商州使鄂渚

聞進士孫何及第因寄

哭同年羅著作

西暉亭

謫居

道服

寄題洛南秦供奉新樓

獨酌自吟拙詩次吏報轉運使到郡戲而有作

春遊南靜川

初出京過瓊林苑

己下謫商於作

忽憶今春暮宮花照苑牆瓊林侍游宴金口獨褒揚立  
向勾陳上宣來帝坐傍丁寧問年紀委曲叙行藏屏息  
聞天語醺顏醉御觴近臣多健羨霄眷豈尋常

己上並  
叙淳化

二年三月  
中寶事

盛事誰能及非才自不遑殊恩難負荷薄命

果譴張得罪縻山郡攜家出帝鄉何時重到此駐馬淚  
浪浪

中年縣旅舍喜同年高紳著作見訪

是時紳將命  
集津平糴不

期而會至陝  
郊方分首

古縣日初沉  
輶車忽見尋  
不將遷客累  
方認故人心  
無酒銷寒漏  
挑燈聽遠砧  
陝郊千里路  
並轡未妨吟

鄭州與張秉監察聯句

時秉知州來訪逆旅與紳  
同飲因成一絕高作小序

不載  
於此

函關秋霽雁初迴  
六里商於曉色開  
秉四皓有靈應笑

我謫官方始入山來  
禹偁

滎陽懷古



紀信生降為沛公草荒孤壘想英風漢家青史緣何事  
却道蕭何第一功

過鴻溝

侯公緩頰太公歸項籍何曾會戰機只見鴻溝分兩界  
不知垓下有重圍危橋帶雨無人過敗葉隨風傍馬飛  
半日垂鞭念前事露沙霜樹映斜暉

旅次新安

遷客乍離羣秋砧不忍聞回頭戀紅藥失脚下青雲尚

假金貂冕猶殘柱國勲此身未敢死會擬報明君

硤石縣旅舍

霜乾紅葉飛遷客思淒淒處險人垂瘳登山馬阻蹄籬  
荒蝨韻苦雲凍雁行低此夕應無寐何煩報曉雞

稠桑坡車覆

稠桑坡險忽推車悔戴儒冠出敝廬已被文章相錯誤  
謫官猶載一車書

閩鄉旅夜

行盡西京路將登六里山全家空洒淚知是幾時還

初入山聞提壺鳥

時秋暖此鳥忽聞

遷客由來長合醉不煩幽鳥道提壺商州未是無人境  
一路山村有酒沽

聽泉

平生詩句多山水謫宦誰知是勝遊南下閩鄉三百里  
泉聲相送到商州

初到商州館於妙高禪院佛屋壁上見草聖數行

讀之乃數年前應制所作皇帝試貢士詩思追前  
事感而成章

應制詩篇對玉除是誰傳寫到商於昔從冀莢塔前作  
今向蓮花座畔書商嶺未甘隨綺季漢廷曾忝用相如  
山僧莫怪頻垂淚乍別承明舊直廬

謫居感事 一百六十韻

遷謫獨熙熙襟懷自坦夷孤寒明主信清直上天知消  
息還依道生涯只在詩何當諭山木詎敢詠江離偶嘆

勞生事因思志學時讀書方覩奧下筆便搜奇賦格欺

鸚鵡儒冠薄鷄鶩耕桑都不事園井未曾窺但欲鱗細

富寧教杼軸純光陰常矻矻交友盡惻惻步驟倚班馬

根源法孔姬收螢秋不倦刻鵠夜忘疲流輩多相許時

賢亦見推叨榮偕計吏濫吹謁春司僕瘦途中病驢寒

雪裏騎空拳入場屋拭目看京師技癢初調箭鋒銛欲

試錐甲科登漢制

太平興國五年  
予首中甲科

內殿識堯眉數刻愁

晡笑三題亦勉之先鳴輸俊彥上第遂參差罷舉身何

託還家命自竒唯慙親倚戶敢望嫂停炊竭力求甘旨  
終朝走路岐貪希仲由米多廢董生帷丹桂何時折孤  
蓬逐吹移知憐無國士志氣自男兒季子貂裘敝狂生  
刺字隳廣場重考覆蹇步載驅馳明代寧甘退青雲暗  
有期禮闈冠多士

八年予忝  
春官貢薦

御試拜丹墀澤霧寧慙豹

搏風肯伏雌重瞳念孤跡一第忝鴻私得告還鄉貴除  
官佐邑卑折腰稱小吏矩步慎初資

予解褐  
得主簿

枳棘心何

恨松筠操自持及親家有養事長禮無虧銅墨官常改

煙霄雨露垂縣花聊主管寺棘且羈縻

予九年忝授大理評事知蘇州

長洲縣

吳郡包山側長洲巨海湄萬家呼父母

民家多呼縣令為父

母

百里撫惇嫠敢起徒勞嘆長憂竊祿嗤宦途甘碌碌

官業亦孜孜政事還多暇優游甚不羈村尋魯望宅寺

認館娃基

甫里有陸魯望宅靈岩寺館娃故宮

西子留香逕吳王有劍池

採香徑在靈岩寺劍池在虎丘寺

狂歌殊不厭酒興最相宜草織登山

履蒲紐

平晚舫紋果酸嘗橄欖花好挿薔薇震澤柑包

火松江鱸縷絲三年無異政一筐有新詞多戀南園卧

蘇州南園最爲勝景俄從北闕追雍熙四年予奉徵召赴闕呈材真樸檄召對

立茅茨載筆居三館登朝忝拾遺紫泥天上降朱紱御

前披侍從殊爲貴圖書頗自怡史才媿班固諫筆謝辛

毗擬把微軀殺慙將厚祿尸安邊上章疏端拱三年詔百官各言邊

事因上封章極言爲上容納端拱獻箴規予初拜拾遺郎上端拱箴頗有諷諭精鑒逢

英主知憐是首夔予論邊事時爲趙許公所器賡歌才不稱掌誥筆

難搞是歲蒙上召予殿上作歌遂有西掖之拜制歷多無事閣下有制歷當直舍人如無除

目署名而出詞頭每怯遲繁陰温室樹清吹萬年枝青瑣霞



光透蒼苔露片姜御香飄硯席宮葉落纓綏看浴池心

鳳閒捫殿角螭上林花掩映仙掌露林滴對近瞻旒冕

班清避虎貌宮簾垂翡翠御水動連漪紀號年淳化朝

元月建寅音移攝宮捧寶冊淳化元年立正仗別上尊號予攝中書侍郎捧玉冊玉寶

祝壽執樽彝表案行低折時予又押諸方表案宮懸聽肅祇德音

王澤潤是日德音降謙柄斗杓撫時上省尊號貴接臯夔侶深窺

龍鳳姿策勲何烜赫賜紫更萎蕤是歲加柱國謝日面賜金紫奮力

山難負鵜梁翼易滋論功慙八柱受服欲三褫祇恐殃

將至曾無事可禪起朝空俯偃退食自逶迤更直當春

好橫行隔宿咨

每休假三日後謂之橫行於正衙恭假院吏隔夜報

內朝長得對

駕幸每教隨瓊苑觀雲稼金明閱水嬉賞花臨鳳沼侍

釣立魚坻拂面黃金柳酖顏白玉卮分題宣險韻

每應制賦

詩上出險韻

翻勢得仙棊

上嘗賜兩制棊勢圖一曰對面千里二曰獨飛天娥三曰海底取明

珠四曰妙筭無窮人莫曉

竟舉窺天管爭然煮豆其恨無才應副空

有表虔祈

每有御製詩韻難并新棊勢但上表免和訴不曉而已

睿睠偏稱賞天

顏極撫綏中官賜文字

兩制每賜御詩皆中官送至書院

院吏捧巾綦

遭遇誠堪惜功名竊自思請纓無壯志視草亦胡為未

獻東封頌空鐫北岳碑

淳化元年奉勅重修北岳予撰碑

深慙專俎豆

長欲議邊陲但可懷驕子何須斬谷蠡胸中貯兵甲塞

上有熊羆成敗觀千古施張在四維魚磨斷佞劒擬樹

直言旗

已上蓋言予平生之志也

遇事難緘默平居疾喔咿無權逐

鳥雀俛首任狐狸廷尉專刑煞

以制誥舍人魚大理評事

詞臣益寵

衰五花儀久廢

故事舍人五花判事今則廢之久遠矣

三尺法聊施書命

猶無諂

予在閣下草詞名不虛飾以此亦為人相怨

評刑肯有欺厚誣凌近

侍內亂疾妖尼

妖尼道安誣告徐騎省

丹筆當無赦金科了不疑

拜章期悟主引法更防誰  
萋斐終無已雷霆遂赫斯  
如弦傷訐直投杼覓瑕疵  
衆鑠金須化羣排柱不支  
佞權迴北斗讒舌簸南箕  
闕下羊腸險朝端虎尾危  
道孤貽衆怒責薄賴宸慈  
西掖除三字南山佐一麾  
蒼黃塵滿面揮洒涕交頤  
目斷九重闕魂銷八達逵  
尊親遠扶持兄弟盡流離  
秦嶺偏巉絕商於更嶮巖  
吾廬何處是我馬忽長辭  
六里山蒼翠丹河浪渺瀰  
分封思衛鞅割地

憶張儀懶讀三閭傳空尋四皓祠  
畚煙濃似瘴松雪白如梨壞舍床  
鋪月寒窓硯結澌振書衫作拂解  
帶竹為梳呼僕泥茶竈從僧借藥  
篩鐘愁上寺起角怨水門吹

上寺在州北  
子城有水門

舊友誰青眼新秋出白髭

予到商州始有白髭

煙嵐

晴鬱鬱風雨夜颼颼我過徒三省  
吾生自百罹初來聞旅鴈不覺見  
黃鸝市井攜山菜房廊蓋木皮

商州民多以木皮蓋

屋野花紅爛熳山草碧褸褌副使  
官資冷商州酒味醅尾因求食掉  
角為觸藩羸有夢思紅藥無心採  
紫芝瘦

妻容慘戚稚子淚漣沔暖怯蛇穿壁昏憂虎入籬松根  
撚夜燭山蕨助朝飢豈獨堂虧養還憂地乏醫跡飄萍  
渤解親老日崦嵫閣下辭巢鳳山中伴野麋風欺秀林  
木雲隔向陽葵屈產遭駑馬丹山困嚇鴟悔須分黑白  
本合混妍媸自此韜餘刃終當學鈍鎚窮通皆有數得  
喪又奚悲自顧才何者空憐道在茲宣尼猶削伐大禹  
亦胼胝用去當如虎投來且禦魑避風聊戢翼得水會  
揚髻琴酒圖三樂詩章効四雖

田公有四雖詩

魚鬚從典賣貂

尾任傾歌兀兀拖腸鼠悠悠曳尾龜北窓尋蛺蝶南岸

看鸕鷀

州之南洲河多水鳥

山翠樓頻上雲生杖獨檣簾間留曉

魄簷暖負冬曦松栢寒仍翠瓊瑤湮不溜望誰分曲直  
祇自仰神祇吾道寧窮矣斯文未已而狂吟何所益孤  
憤洩黃陂

敝帷詩

到商州數日馬死

謫宦那堪歎敝帷承明寓直數年騎滿堦紅藥曾嘶處  
六里青山忽斃時駿骨欲埋金價直的盧猶愛雪離披

貳車謾道貂冠貴從此徒行奉一麾

和馮中允仙娥峯

熊耳如當出檻熊仙姿孤秀壓諸峯採芝逋客憐貞質  
化石佳人妬麗容身上霓衣慵整頓天邊華蓋會裁縫  
嫦娥月裏休相笑萬古應無竊藥蹤

龍鳳茶

樣標龍鳳號題新賜得還因作近臣烹處豈期商嶺水  
碾時空想建溪春香於九畹芳蘭氣圓似三秋皓月輪



愛惜不嘗唯恐盡除將供養白頭親

元日作

獻歲在商州依然想舊遊前年捧玉冊此日對珠旒御  
酒堯躋畔仙韶舜殿頭自慙非賈傅宣室詎重求

急就章

賜來三載錦囊盛今日重看倍覺榮元白當時皆謫宦  
不聞將得御書行

御書錢

謫官無俸突無煙  
惟擁琴書盡日眠  
還有一般勝趙壹  
囊中猶貯御書錢

上元夜作

去年正月十五夜  
乾元門上奉乘輿  
今年正月十五夜  
商於郡中為貳車  
謫官門欄偏冷落  
山城燈火苦蕭疎  
爐灰撥盡不成寐  
賴有逍遙一帙書

仙娥峯

窈窕奇峯疊古苔  
望秦嶺外勢徘徊  
巨靈非擘休期刻

金夕口月  
卷八  
毛女為鄰合往來傳粉微茫春雪在墮環浮動曉雲開  
好邀上雒王常侍時就巖前飲一杯

遊仙娥峯後戲題

為愛一峯形窈窕豈辭十里路崎嶇誰知不似陽臺女  
別後經宵夢也無

上寺留題

在商州  
北山上

松杉影瘦簇山根樓殿參差對郭門不惜馬蹄來北寺  
為憐熊耳在西軒雲生石砌搖寒影泉汲銅鉞露凍痕

遷客頻來何所得一叢修竹拂吟魂

對雪感懷呈翟使君馮中允同年

歲暮山城雪民和歲有秋深閨五袴詠聊戒貳車愁凌  
亂藏溪寺霏微洒郡樓凍宜粘酒旆香好試茶甌逐吹

殊無定連宵勢未休仙娥低粉面

仙娥峯在商州西

熊耳壓峯

頭

熊耳山亦在州之西

樹老花重發川長縞不收平沉採芝洞深

鑱避賢郵

陽城驛在商山元稹詩中改為避賢郵

麋鹿全迷逕鷹鷂不下

溝夜村埋古屋

夜村在州東一村數百家皆姓夜羅隱有夜村詩

丹水咽寒流

上洛城中客梁園日下州前年直綸閣臘月奉宸遊六  
出寒光亂重瞳喜氣浮催班臨秘殿稱賀拱凝旒漠漠  
籠天仗輕輕落御溝瑤池同皎潔珠箔助颼颼民有豐  
年望君無旰食憂佩垂延喜玉服曜吉光裘雞樹令開  
宴駕行許命儔千鍾方艷艷三爵未油油舉白朱顏凝  
飛文彩筆抽傳宣須盡醉御札遣冥搜晚出蒼龍闕驕  
馳紫驚驕自慙生草澤人指在蓬丘薄命誠非據清途  
不久留左遷來僻郡對景憶瀛洲謫宦誰還往貧家自

獻酬敢言無俸祿且喜潤田疇鳳閣名雖黜貂冠命亦  
優山中甘散秩膝下奉晨羞默默惟思過陶陶亦自由  
搖頭詠詩什合眼入衾裯祇恨方於枘何嘗曲似鉤詎  
能悲鵬鳥早合畏犧牛玉冷期三藝蘭香任一蕸夢中  
非蛺蝶世上本蜉蝣禍福如亡馬機關喻狎鷗甘貧慕  
原憲齊物學莊周尚賴遷鶯侶旁依建隼侯願隨商洛  
叟擊壤頌皇猷

遊四皓廟

修篁瑟瑟石磷磷去謁荒祠不厭頻四皓古來無事客  
貳車今世最閒人紫芝欲採非仙骨紅藥曾題是近臣  
一奠村醪還獨酌滿軒松雪照吟身

商山 十二韻

六百里巉巖嵐光霽後添經年吟未得

予到商州已經年方有此詩

盡日看無厭僧舍青當檻人家翠滿簷氣蒸丹水碧

丹水

在商山入漢

脉潤紫芝甜嶺礙翻雲鵲

商山鵲嶺最高

峯遮落海蟾

澗深春有凍影澗夏無炎勢關嵩并華名欺霍與瀟石

危蹲虎脚松老咤龍髯曉榻便欹枕晴樓懶下簾未能  
棲岫幌猶道佐彤檐望久衣襟濕登多屐齒黏何當隨  
四皓深隱避猜嫌

丹水 十二韻

瑟瑟復潺潺朝宗去不還和雲歸漢浦歎雪下商山影  
浸仙娥面波涵織女鬟

仙娥峯織女峯在丹水邊

飲猿清滿掬渡鹿

冷侵斑北潤深通洛

洛原在丹水之中

東奔嶮叩關武灌園縈

似帶漕磴曲如環

商山民引丹水灌園及作水磴

夜枕驚幽夢松汀照



病顏玉膏分地脉銀漢落人寰漱石藏青鯉崩沙聚白  
鷗村橋微雨後岸樹夕陽間翠漲新萍綠紅浮敗葉殷  
貳車時濯足來伴釣魚閒

歲暮感懷貽馮同年中允

三首

謫宦商於郡閒門車馬稀塵侵書命筆香散入朝衣燒  
盡峯巒出霜晴木葉飛夜來天欲雪寒夢不成歸  
歲暮客商山謫居多晝眠夢迴紅藥樹身落紫微天不  
得親公事如何望俸錢荒城共誰語除却訪同年

謫居京信斷歲暮更淒涼郡僻青山合官閒白日長  
燒煙侵寺舍林雪照街坊為有遷鶯侶詩情不敢忘

畬田詞 有序

上雒郡南六百里屬邑有豐陽上津皆深山窮谷不通  
輟迹其民刀耕火種大抵先斫山田雖懸崖絕嶺樹木  
盡仆俟其乾且燥乃行火焉火尚熾即以種播之然後  
釀黍稷烹雞豚先約曰某家某日有事於畬田雖數百  
里如期而至鋤斧隨焉至則行酒啗炙鼓

譟而作蓋劓而掩其土也掩畢則生不復耘矣援桴  
者有勉勵督課之語若謠曲然且其俗更互力田人  
人自勉僕愛其有義作畬田詞五首以侑其氣亦欲  
採詩官聞之傳於執政者苟擇良二千石暨賢百里  
使化天下之民如斯民之義庶乎汙萊盡闢矣其詞  
俚欲山氓之易曉也

大家齊力斲孱顏耳聽田謠手莫閒各願種成千百索

山田不知畎畝但以百尺繩量  
之曰某家今年種得若干索

豆箕禾穗滿青山

殺盡雞豚喚斲畬由來遞互作生涯莫言火種無多利

樹種明年似亂麻

種穀之明年自然  
生禾山民獲濟

數聲獵獵酒醺醺  
斫上高山入亂雲  
自種自收還自足  
不知堯舜是吾君

北山種了種南山相助刀耕豈有偏  
願得人間皆似我也應四海少荒田

畬田鼓笛樂熙熙  
空有歌聲未有詞  
從此商於為故事  
滿山皆唱舍人詩

雪後登靈果寺閣

雪引詩情不敢慵  
來登高閣犯晨鐘  
山僧莫怪多時望  
玉立南山萬萬峰

獨遊南靜川

高車嶺上無人見  
南靜川中信馬行  
多謝仙娥相管顧  
遠擎松雪助詩情

賀畢翰林

新入

聞步花甌喜復悲  
所悲君較十年遲  
銀臺曉入批丹詔

銅鏡秋開鑷白髭宮錦細袍宣與着內閑驕馬賜來騎

家門記得咸通事莫忘論兵夜召時

咸通中畢相在翰林時懿宗將復河

渚夜召論邊事數陳方略甚稱旨上曰吾方謀帥不意頗收在吾禁苑遂有登壇之命也

賀三舍人新入西掖

呂祐之

錢若水

紫微新命舊交遊報到商於寂寞州天上共分三字貴

山中全減貳車愁拋離紅藥心無恨彈拂金貂舞不休

最喜吾宗有餘慶鳳毛還直鳳池頭

第五廳王舍人故兵部閣老之子

送舍弟赴舉因寄兩制諸大僚

堂上尊親鶴髮垂十年祿仕不相離何期膝下承顏日  
却是山中謫宦時未有重茵如子路空披綵服學嬰兒  
全家送爾隨鄉薦試向朝端獻此詩

商山海棠

錦里名雖盛商山艷更繁別疑天與態不稱土生根淺  
着紅蘭染深於絳雪噴待開先釀酒怕落預呼魂香裏  
無勑敵花中是至尊桂須辭月窟桃合避仙源浮動冠  
頻側霓裳袖忽翻望夫臨水石窺客出墻垣贈別難饒

柳忘憂肯讓萱輕輕飛燕舞脉脉息嬌言蕙陋虛侵逕  
梨凡浪占園論心留蝶宿低面厭鶯喧不忝神仙品

好事

者作花品以  
此為神仙

何辜造化思自期栽御苑誰使擲山村綺

季荒祠畔仙娥古洞門煙愁思舊夢雨泣怨新婚畫恐  
明妃恨移同卓氏奔祇教三月見不得四時存繡被堆  
籠勢燕脂浥淚痕貳車猶未去應得伴芳樽

翰林畢學士寄示醫癭藥方因題四韻兼簡兩制

諸知



預憂囊癭病龍鍾乞得仙方必有功縱免項如樗里子

也應頭似夏黃公西暉亭上峯巒碧

亭在州之西十里對羣峯每日落時

有如南靜川中木葉紅

川在州之南二三里平如掌居人百餘家秋來一川紅葉又有

小桃夾水而生春間此景不惡矣

盡是貳車堪醉處春來難放酒樽空

內翰畢學士

士安

外制柴舍人

成務

故兵部閣老

王公

祐

之門生又與第五廳舍人

旦

同在兩制追

思餘慶因賦短章寄於三君子

掌貢司言耀聖朝宦途屯否數難逃雄文自貯胸中甲

直氣誰防笑裏刀黃閣不登名甚屈紫垣終老道彌高  
君看身後榮多少兩制門生伴鳳毛

賀柴舍人新入西掖

成務

早折蟾宮第一枝綸闈恩命苦何遲久為俗吏殊無味  
合掌王言亦有時好繼忠州文最盛應嫌長慶格猶卑  
舍人嘗與予評前賢詔誥以為陸相首出若奉天罪已詔元白之徒可坐在無下他年莫忘中

吳宰六里山前謫紫芝

早歲予為長洲宰舍人以殿院知蘇州

歲除日同年馮中允攜觴見訪因而沉醉病酒三

日醒而偶贈

除夜渾疑便白頭，攜壺相勸醉方休。  
敢辭枕上三朝卧，且免燈前一夕愁。  
薄命我甘離鳳閣，多才君亦滯龍樓。  
相逢不盡杯中物，何以支當寂寞州。

得昭文李學士書報以二絕

來書云看書除莊老  
樂天詩最宜枕藉

謫居不敢詠江離，日永閒閒何所為。  
多謝昭文李學士，勸教枕藉樂天詩。

左宦寂寥推上洛，窮愁依約似長沙。  
樂天詩什雖堪讀，

奈有春深遷客家

南靜川野桃花下獨酌因簡馮中允

野桃無主滿山隈  
遷客攜觴獨自來  
盡日馨香留我醉  
每春顏色為誰開  
枝穿綠竹渾疑畫  
片落丹河去不迴  
待約同年一攀折  
便如劉阮到天台

放言

誰信人間是與非  
進須行道退忘機  
卦逢大壯羝羊困  
鄉入無何蜥蝶飛  
澤畔衣裳蘭作佩  
山中生計竹為扉

飢腸已共夷齊約一曲高歌去採薇

寄獻僕射相公 二首

三朝文匠百僚師再秉洪鈞七政齊一道白麻來玉署

兩條紅燭上沙堤

故事宰臣雙燭餘官一而已

池波尚浴當時鳳省

樹猶存舊日雞鑪冶正開無棄物應憐折劍在塵泥

聖君宵旰念生民重命甘盤秉國鈞引馬但傳三刻漏

近制午後三刻宰相出

喘牛休問四時春羹和舊鼎黃金鉉雪壓

新堤白玉塵

相公再入後京師屢降瑞雪

應念前年獻詩客謫官無

俸不勝貧

相公前年罷時予獻詩二首其卒章云却恐優游未終歲台星依舊照黃扉

### 寄馮舍人起

轉輸爭合滯才華急詔重乘上漢槎

舍人自西川轉運入閣下

繼我

已吟紅藥樹勸君曾賦海棠花

前年舍人赴西川轉運予有詩送之云莫學當

初杜工部因循不賦海棠詩

詞隨健筆光綸誥詩落成都燦綺霞應

笑同時東觀客商於憔悴似長沙

予與舍人早忝同年直史館

### 迴襄陽周奉禮同年因題紙尾

武關西畔路巉巖兩月勞君寄兩緘鏡裏想添新白髮

篋中猶貯舊青衫扶頭酒好無辭醉縮項魚多且放噉  
譬似元和張太祝十年不改舊官銜

清明日獨酌

一郡官閒惟副使一年令節是清明春來春去何時盡  
閒恨閒愁觸處生紫鷺黃鸝誇舌健柳花榆莢鬬身輕  
脫衣換得商山酒笑把離騷獨自傾

寒食

今年寒食在商山山裏風光亦可憐稚子就花拈蛺蝶

人家依樹繫鞦韆  
郊原曉綠初經雨  
巷陌春陰乍禁煙  
副使官閒莫惆悵  
酒資猶有撰碑錢

春日登樓

紅桃飛盡綠楊深  
獨倚危樓半日吟  
六里山川多逐客  
近代朝士左  
遷多在此郡  
貳車官職是籠禽  
蓬沾殘雪經秋髻  
葵隔浮雲向日心  
身世榮衰不能美  
且傾村酒沃愁襟

山僧雨中送牡丹

數枝香帶雨霏霏  
雨裏攜來叩竹扉  
擬戴却休成悵望



御園曾插滿頭歸

春居雜興二首

兩枝桃杏夾籬斜  
粧點商山副使家  
何事春風容不得  
和鶯吹折數枝花

春雲如獸復如禽  
日照風吹淺又深  
誰道無心便容與  
亦同翻覆小人心

登郡南樓望山感而有作

西接藍田東武關  
有唐名郡數商顏  
二千石盡非吾道

一百年來負此山

自唐末至今百餘年無文臣為刺史

重疊曉嵐新雨後

參差春雪夕陽間  
唯供遷客風騷興  
醉望吟看不暫閒

讀史記列傳

西山薇蕨蜀山銅  
可見夷齊與鄧通  
佞倖聖賢俱餓死  
若無史筆等頭空

睡十二韻

此境一何醇熙熙  
別得春有聲皆俗格  
無夢是天真壁  
上登山屐床頭漉酒巾  
輕輕龜喘息冉冉蝶精神  
滯寂

通禪理無何等道人曲肱高勝枕藉草軟於茵吟苦魂  
初暝杯酣味更珍覺知生是幻靜與死為隣酷恨巢簷  
燕生憎款戶賓功成歸輾轉先兆自嗔呻不入榮名客  
還宜放逐臣東窓一丈日且作自由身

送秦供奉自商州使鄂渚

供奉本  
江左人

攜家畫錦行山驛接江城使是皇華貴人還故國榮離  
筵青杏小別夜子規鳴鸚鵡洲邊宿無忘弔襦衡

聞進士孫何及第因寄

昨朝邸吏報商山聞道孫生得狀元為賀聖朝文物盛  
喜於初入紫微垣

哭同年羅著作

名處約字思純三首

宿草離披淚滿衫孤墳遙想帝城南

思純權厝東京薰風門下

天生

賈誼成何事祇得人間三十三

一枝丹桂謾成名一片緋衫未是榮賴有遺文在東觀

直應千載氣如生

著作沒後有文集十卷翰林蘇舍人表進詔付史館號東觀集

荒涼故宅何人住寂寞孀妻即日還一歲嬰兒安健否

巨源雖在謫深山

西暉亭

仙娥峯下大中年  
刺史崔黯所造

孤亭疊嶂東宛是古屏風每到天將暮渾疑日再中餘

霞猶散綺新月已張弓一水漪連媚千巖木葉紅

丹水在亭

前

玳筵何烜赫大宅忽牢籠隙晃歸巢燕簷拖截澗虹

果迷丹橘熟洞訝赤城通

南有仙娥祠

似燒連松塢如斑染

竹叢近邀青瑣客來伴紫芝翁望久情無倦吟多性未

窮陽鳥看黯黯歸馬恨匆匆會待長棲隱青冥逐去鴻

謫居

親老復嬰孩吾生自可哀無由得歸去有俸自嗟來直  
道雖已矣壯心猶在哉端居寡儔侶懷抱向誰開

道服

楮冠布褐皂紗巾曾忝西垣寓直人此際暫披因假日  
如今長著見閒身濯纓未識三江水漉酒空經六里春  
不為行香著朝服貳車誰信舊詞臣

寄題洛南秦供奉新樓

多羨新樓上公餘寓望閒數峯迷華岳一面是商山  
暮  
暗幽雲過簷喧宿鳥還萬重蒼翠裏百尺沈寥間  
嵐破  
分樵逕沙明認釣灣望秦晴矗矗清洛夜潺潺平  
遠長  
安道微茫函谷關吟哦生古意圖畫寄朝班何日  
隨高  
步乘秋豁病顏銷憂吾祖事會待共躋攀

望秦  
嶺名

獨酌自吟拙詩次吏報轉運使到郡戲而有作

日高睡足更何為數首新篇酒一卮郡吏謾勞相告報  
轉輸應不管吟詩

春遊南靜川

南過高車嶺

一云膏車嶺膏音告

川源似掌平峯巒開畫幃畎

列棊枰帝女柔柔綠王孫野草生提壺催我醉戴勝勸  
人耕商嶺堪攜妓丹河好濯纓蓋圓松影密鞭亂竹根  
穉勃勃畬田氣磷磷水磴聲野桃誰是主山鳥不知名  
欲舞寧無蝶思訝亦有鶯官閒春日永擔酒此中行



小畜集卷八

謹案卷七第七頁後三行霜紅蓼穗疎刊本蓼訛  
藜據別本改

第十三頁前七行薜牆莎逕碧山前刊本薜訛蘇  
據別本改





總校官庶吉士臣張能照

校對官中書臣金光悌

膳錄監生臣沈恕